

XV di zonta al consejo di X.

Sier Lucha Zen, procurator.
 Sier Andrea Venier, procurator.
 Sier Thomà Mozenigo, procurator.
 Sier Antonio Trum, procurator.
 Sier Bortholamio Minio, fo consier.
 Sier Marco Bolani, fo podestà a Padoa.
 Sier Antonio Grimani, savio dil consejo.
 Sier Alvixe Michiel, fo consier.
 Sier Francesco Nani, fo consier.
 Sier Piero Duodo, fo savio dil consejo.
 Sier Vincivera Dandolo, fo cao di X.
 Sier Zorzi Emo, fo savio dil consejo.
 Sier Alvise Malipiero, fo consier.
 Sier Francesco Foscari, el cavalier, fo podestà a Padoa.
 Sier Zorzi Pixani, dotor et cavalier, savio terra ferma.

Consejeri.

Sier Andrea Corner, San Marco.
 Sier Alvixe di Prioli, Canarejo.
 Sier Francesco Bragadim, Castello.
 Sier Hironimo da Mulla, Dosso Duro.
 Sier Nicolò Donado, San Pollo.
 Sier Alvixe Capello, Santa †.

Consejo di X.

Sier Nicolò di Prioli, fo governador.
 Sier Zacaria Dolfim, fo capitano a Padoa.
 Sier Marco da Molin, fo consier.
 Sier Anzolo Trivixan, fo capitano a Padoa.
 Sier Bernardo Barbarigo, fo governador.
 Sier Andrea Loredam, fo cao di X.
 Sier Piero Capelo, fo savio dil consejo.
 Sier Alvise Arimondo, fo duca in Candia.
 Sier
 Sier

234 *A di 3.* Da matina, in colegio, introno savij dil consejo, ordenarij, sier Domenego Trivixan, el cavalier, procurator, et sier Lunardo Mocenigo; et di zonta, sier Zacaria Dolfim, qual è *etiam* cao dil consejo di X.

Fo balotà, con li governadori de l'intrade, il condutor dil dazio dil vin, Nicolò Lanza, qual tolse za un mexe il dazio, per ducati 78 milia, et cazete a

la pruova; *unde* fo mandà ad reincantarlo a Rialto. Et vene a ducati 72 milia e non più.

Fo chiamà in Rialto, per li signori di note, alcuni ladri, che robono in uno magazen di Pixani dal banco, a San Stai, tra i qual è sier Baldisera da Molin, *quondam* sier Nadal, qual si absentò; et li compagni, alcuni fonno presi. Erano ladri di malla sorte.

Di campo, da Montagnana, di eri, di sier Pollo Capello, el cavalier, provedador zeneral. Chome à di Verona, che domenega, a di 30, fu fato uno consulto su la campagna di Verona, a la cha' di Cavri, dove vene di Peschiera il gran maistro, e di Verona il ducha di Brenxvich, il ducha di Termeni et lo episcopo di Trento e altri; e fo consultato, si doveano venir versso il campo nostro, over andar ad ajutar Ferrara. E cussi terminono, che 'l gran maistro vadi in ajuto di Ferara. *Item*, scrive altre particolarità, *ut in litteris*.

Di Hironimo Grasso, arziprete, date a Montagnana, a di primo, a hore 15, a sier Nicolò Zorzi. Come eri andò domino Lunardo Grasso, con domino Andrea Griti, suso el Polesene, e li ordinò aspetasse li do, qualli lui havea spazati, uno a Lignago, l'altro a Peschiera, e in quella horra XV sono venuti tutti do. Quel di Lignago li ha portà una poliza di tal tenor. Monsignor reverendissimo, ho diligentemente considerato, e *revera* io non saperia giudicare, dove meglio se potesse haver sua intention, cha da la banda di sopra, versso Verona, per più respeti: prima, de li si spera el soccorssò, e non li è stà fato altra fortification, se non come era prima; vero è che per tutto è artellarie assai. Ancora, chi venisse a dar la bataglia a la porta, ch'è versso Mantova, per tutto da quella banda li è molte artellarie, che non è da la banda versso Porto; e poi Porto è fortificato assai. Le gente, che sono dentro, sono, prima uno capitano spagnol, uno alemano, che vene venere da sera, et Giacomo Corssò; i qual tutti, judico che habino 400 fanti, et li sono, fra franzosi et vasconi, zercha 200, *adeo* che al più in tuto sono zercha 600. Vero è che li è venuto questa matina el baron di Montiglion, e dice che vien drieto a lui 500 vasconi, che dieno esser questa sera, over damatina, qui; li quali sono sotto de lui, et hanno in expressa comission dal gran maistro, brusar Manerbe, Marega, la Bivilaqua, San Salvaro. Ma monsignor de la Crota non voria, perchè dice che hanno fato bona compagnia a li soi presoni, et che ne hanno salvato assai, et hanno conduto qui 5 carri cargi de morti; lui dice voler exequir quello che li è stà commesso. El gran maistro ha voluto passar a Lona', el mar-